

**Kemennadenn
d'ar gazetennerion
17/12/2020**



FEST-NOZ AN NEDELEG

Ha ni o tostaat da ouelioù fin ar bloaz, ha pa ne vimp ket evit derc'hel da Fest-noz an Nedeleg (hag a veze e Plañvour bep bloaz) e fell deomp degas levez, sonerezh, tommder en ho kalonoù memes tra !

E kevelerezh gant Frañs 3 Breizh e roomp emgav deoc'h evit

Fest-noz an Nedeleg

d'ar Sadorn 26 a viz Kerzu, da 8e30

e pajennoù Facebook ha Youtube Emvod ar Gelted ha Frañs 3 Breizh.

Da-geñver FILIVE an Nedeleg e vo skignet tammou filmet war Kae Breizh en Oriant er bloavezhioù diwezhañ, gant ouzhpenn ur pemzek arzour breizhat bennak. Gant entan o deus degemeret hor raktres ha kemer a raint ar gaoz dirak ar festivalerien kevreet dirak o skramm 😊

Gant ar FILIVE diwezhañ-mañ, « Fest-noz an Nedeleg », e fell deomp diskouez hor mignoniezh, hor startijenn breizhek ha keltiek, ha reiñ hor gourc'hemennoù d'an holl arzourien, bagadoù, kelc'hioù n'o deus ket gellet mont war al leurenn er bloaz-mañ, d'an holl astalerien, youlidi, kevelerien, mesened, d'an holl dud a labour evit ma vefe ur gouel meur en Oriant bep miz Eost.

Ur prof Nedeleg enlinenn da sellet e-tal ar sabinenn !

FILIVE

FEST-NOZ DE NOËL

SAMEDI 26 DÉCEMBRE À 20H30

SUR  ET  DE FRANCE 3 BRETAGNE ET FESTIVAL INTERCELTIQUE DE L'ORIENT

3



Festival
INTERCELTIQUE
Lorient

produite par

lyo
production

avec les moyens
techniques de



Reiñ a reomp hor gourc'hemennoù bras ivez da obererien sevenadur Breizh evit o holl daolioù-intrudu er mizioù tremenet, p'o deus gouezet kaout ijin ha kinnig adskignadennoù, abadennoù « live » diouzh ar c'henfinañ, mennozhioù nevez, daoust d'an enkadenn.

Ar FILIVE-se, e stumm kenfinet, eo an hini diwezhañ eus un heuliad a oa bet boulc'het d'an 2 a viz Ebrel 2020.

Bep Gwener noz, da 8e30, e-pad 3 miz, adalek Ebrel betek Mezheven, e oa bet skipailhoù Emvod ar Gelted, Frañs 3 Breizh, Lyo Production, ar c'hevredadoù Kaouenn hag An tour Tan (evit sonadegoù Kreizenn ar Mor) o lakaat bec'h evit reiñ buhez da Emvod ar Gelted ha d'ar sevenadur dre skignañ 15 sonadeg dre ar rouedadoù sokial.

Emgav a roomp deoc'h enta d'ar 26 a viz Kerzu, da 8e30 dirak ho skrammoù : uhelait ar son, bountit war ar pezhioù-arrebeuri, savit ho pannel gwenn ha du ha DAÑSIT ! Arabat deoc'h termal evit embann ho fotoioù ha videoioù e bann an evezhiadennoù e-doug ar Fest-nnoz.

Un tamm diwezhatoc'h e teuio mare an hetoù, met c'hoant-bras hon eus d'en em gavout ganeoc'h-holl en-dro adalek ar 6 betek ar 15 a viz Eost 2021, evit lidañ a-gevret bloavezh Breizh ha 50 vloaz Emvod ar Gelted !

Nedeleg Laouen !

Arzourien :

Fleuves - Startijenn - Jean-Charles Guichen - Dañs Er Jeko - Skolvan - Spoum - Tymen/Kerveillant - Le Gall-Carré/Moal - Ti Lyannaj - Fred Guichen - Spontus - Vincendeau/Felder/Girault - Hamon/Martin - Djiboudjep